




ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
ԾՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
ՆՎԻՐԱՊԵՏԱԿԱՆ ԵՐԵԲ ԱԹՈՌՆԵՐԻՆ, ԹԵՄԿԱԼ ԲՈԼՈՐ
ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Քրիստոս ծնաւ և յայտնեցաւ»

Այսօր Մեր ջերմագին աղոթքն է, որ Փրկչին մեր Հիսուսի հրաշալի
ծննդյան շնորհներով, Նոր տարին իր հետ բերի համայն աշխարհին խա-
ղաղություն և ի մարդիկ հանություն:

Մեր սրտագին աղոթքն է մանավանդ, որ Սուրբ Ծննդյան այս կենա-
րար պատգամները կյանքի բաժինը դառնան նաև Մեր հավատավոր ժո-
ղովուրդին ի Հայաստան, հԱրցախ և ի սփյուռք աշխարհի:

Սույն խոհերով Մայր Աթոռ Սուրբ Էջմիածնից բերում ենք Ձերդ Սըր-
բության, սուրբ Աթոռիդ ուխտապահ միաբանության և համայն Ձեր բարե-
պաշտ ժողովրդյան, Մեր հայրական սիրո ողջույնը և օրհնությունը՝ մաղ-
թելով բոլորին հոգվո և մարմնո քաջառողջ խաղաղ կյանք, ընտանեկան
երջանկությամբ, առաքինի ու բարի գործոց հաջողությամբ:

Թող մարդասերն Աստված պահապան ու օգնական մնա միշտ մեր
Սուրբ Եկեղեցվույն և ազգիս համայն, հիրականացում նրա արդար սպա-
սումներին:

Եղբայրական սիրով և ջերմագին բարի մաղթանքներով՝

ՎԱԶԳԵՆ Ա.

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

*
* *
*

Ամանորի և Սուրբ Ծննդյան տոների առթիվ Ամենայն Հայոց Վեհափառ Հայրապետի անունով ստացվեցին ամենաջերմ և հարգալից զգացմունքներով զեղուն բազմաթիվ շնորհավորական հեռագրեր և նամակներ մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրիորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:





ԿԵԶԱՓԱՌ ՀԱՅՐԱՊԵՏԸ ՀՀ ՆԱԽԱԳԱՀ ԼԵՎՈՆ ՏԵՐ-ՊԵՏՐՈՍՅԱՆԻ, ՀՀ ՓԽ ՆԱԽԱԳԱՀ
ԲԱՐԿԵՆ ԱՐԱՐԷՑՅԱՆԻ, ՀՀ ՎԱՐՉԱՊԵՏ ՀՐԱՆՏ ԲԱԳՐԱՏՅԱՆԻ, ՀՀ ԱՐՏԳՈՐԾՆԱԽԱՐԱՐ
ՎԱՀԱՆ ՓԱՓԱԶՅԱՆԻ ՀԵՏ Ս. ՊԱՏԱՐԱԳԻ ԸՆԹԱԾՔՈՒՄ (6 ՀՈՒՆՎԱՐԻ 1994 Թ.)